

Topic II: 'AGUALZO LE ALAWHCING MITE NEIH QUALITY NAM 7 TE'

- Thuphungpi – Dr Chin Do Kham, Founder & President, Global Outreach and
Community Development
President, Zomi Innkuan, USA
- Commentator – Sia Lang Khan Khai, Principal, ZCTS
- Chairperson – Tg Nung Mun Thawn, Part II, Final, MBBS, Magwe

*Thuphungpi Rev Dr Chin Do Kham in
Zola VCD khat (Tun sung khat piang) tawh
tha hong lakpihin thugen hong kipan hi.*



Hih bang thu gen thei dinga hong sam
Siamsin makaite le mipi tung lungdam le
angtang mahmah ing.

Mi tampi gamdang hangin tuabang
gamdang i tunna tawh kisai lungdamna a om mah bangin lungkhamna zong om hi.
Bang hang hiam cih leh amau pen Kawlgam ciahnawnlo ding uhi.

Zomi-a piang mikhat, PhD khat man, hihkik zo dong dingin Pasion in Hong
koihna tungtawnin hih ka dinmun tawh kizuiin i minam ading mapang thei ding
lunggulh hing. Zomi Innkuan USA ah President kum 2 semkhin ing. Zomi inn lom
omna gam kici peuhmah ah kei sum mah tawh va hawhin va van ing. Tutungin
Kawlgam ah US citizen khatin hong pai ka hihangin social visit tawh ong pai ka
himanin suahtakna om zawdeuh hi. Jan sung Brazil ah WCC meeting, cih bang
maban nei lai ing.

Ka nuntakna ah ka khutlet thu in 'Gal neilo ding, huamkim ding' cih hi. Zomi
bek hilo, leitung bup dongah taksuah ding, picing ding, ngimna nei ing. Tuni kong
gen ding thute pen a thulu tawh kituakkhin taktak zolo kha ding ahimanin telsiamna
tawh nong ngaihsak nading ong thum nuam masa ing.

Zomite tawh kisai i dinmun ka muhna nam 4 gen masa nuam hing.

- Zogam piang, lokho, singpua, si ding pawl
- Zogam pan Kawl/Vai lak khang, Zogam ciah kik lo ding
- Gam nuam pai ding kithawi, lampi kaala athaam
- Gam thupi tuamtuum atungsa pawl (US ah Tedim 2,000 val)

En Zomi i ki cihcih hangin Falam, Khalkhaten Zomi nong cih uhsang ka
ngawng uh ong tan zaw un hong ci ding uhi.

Hih dinmun 4 sungah kitelkhihna tampi om ding hi. A 4 nate ading dahhuai
ka sa mahmah hi.

Zomite khantohna le kiamna pawlkhat ong kuppah nuam lai ing.
Music le la lamah khangto hanga, thu lamah i kiam hi. Gamdang pai tam mahmah
gamsung gamvai van ding ah kiam hi hang. Neih le lam lamah i khangka kha lamah i
kiam hi. Pilna, siavuan, engineer, adt., lamah i khangto-a itna lamah i kiamsuk hi.
Gam le lei anei nawnlo ding kisa-a minam itdan asamlo minam i hi hi.

Gamdang a om eimite ka hanthot zelna ah bangzahtain gamdang ah kum 20-
30 i om zong Mangkangten 'ei' ong ci ngeilo ding uhi. Zomi i hihna i gam pen
zumpihlo ding hi hang ka na ci zeel hi.

Zomite i ki pumkhat theihlohna pawlkhat ah -

- denomination kibanglo
- kampau (Teizang, Dim, etc.) kideidanna om gige hi. Ning kum khat in Tahan
lamah ko beh meeting nei ding ci-in ka va pai leh inntekpa pen Sihzang khat

na hi. I pau lian tawh kigal bawl ding hileng ka behpa khat ka gal ong suak ding hi. US-a om khangno pawlkhat Zopau thei nawnlo uhi. Pau kibanglo peuhmah gal ding hileh i tate i gal suak ding uhi.

- Khua kibanglo
- Kipawlna khat ah ei deihna lut keileh (akl) makaikha keileng tua makaite langpan pah thei hi hang.

Thulu tawh kisai Christian Muhna

Agualzote i cih in Pasian in ama ading A koih, A khensaksa mun a tung zote cihna hi. Achieving God's Given Destiny. Pasian in Ong hihsak nopna, Ong kamciamnate a tangtun zote hi. I nungtakna i ngimna i tun nai hiam. Lamkal ah omlai maw. Agualzote i et ciang, ngeina hoih kibang pawlkhat na nei uhi.

1. *They know who they are*
Amau le amau kithei hi

Mi amuangmawhte pen amau mahmah amaunhuailote hi. Samuel Johnson in 'Almost every man wastes part of his life in attempts to display qualities which he does not possess and to gain applause which he cannot keep' ci hi. Kipawlna hitaleh mimal hitaleh gualzawhna le khantohna Apualam pen asunglam in abat kei leh picing lo ding hi.

2. *They have healty self identity*
Acidam hihna nei uhi

Many people define who they are based on the opinion of others. Mi tampi in amau tungah mite muhna tungtawnin amau le amau kiseh uhi. PhD nei tungte a pilna uh lak nuam ngiat uha, PhD luipiten bel Dr ong ci kei un cici phial uhi. Apil taktakte kiniamkhiat. 1994 kum, Dr ngah tung laiin biakinn khawng ah introduction hong kibawl ciang Dr ong kici kei kha leh cih lungsim kinei gige hi. Asawtsawtciang a buaih min lian sangin a quality phamawh kisazawta hi. Hih buaih tawh kituak pilna ka nei mah hiam.

Asia gammiten nam neu lungsim nei uhi. Lungsim galdona kilel thei uhi. Tua hang mahin i hih zah ding kihi zolo pah hi. Asia mite ahai hi tuanlo, Mikangte apil hi veva tuanlo. Kang hiahua napin ahai mahmah tampi om veve uhi. Kawlgam/Zo khuak zong aniam na hi hetlo hi. UK-a Tedimte Lianpu a kici khat pen Olympic building ding a lam lakah kihel khat hi. Tua bang panmun sang, pilna sang pipi a nei zo zong i om veve hi. Amau system sungah lut vetleng minuaiah kiom tuan hetlo hi. US tung nupi pawlkhat bang Mangpau siamloh dinga khensatsa-a ong pai uh ahimanin Mangpau siamlo pah. Tua mah banga guallelh dinga khensat khin pawlkhat i om hi. Galdo nailo, gallel khin mi honpi khat kiom, hehpihuai kasak mahmah hi.

Tua ni ciang Pasianin Mangno dinga kong bawl, Mangno mahin na suak hiam, ci'n ong dong ding hi. Midangte tawh kitehkakna tawh buaibuai nawn kei ni. Ei line ahilo i kivaklohna khat ah bang zahta-a i hanciam zongin, lawhcing ngeilo pawlkhat om hi. Kei zong la ka uuk mahmah hang, siam huailo hing. La khat sungah key 3 vei bang laih kul. Hih nu/pa'n la sa keileh Pasian minthangzaw ven teh aw a ci kiom phial ding. Bang kivakna Pasian in hongpia hiam cih i kan ding kisam mahmah hi.

3. *They are visionary: They are forward looking – Goal Oriented*
Muhkholna tawh nungta hi: Mailam ensa in kalsuan uhi. Tup le ngim kician nei hi

Tu-a dinmun ah omsuak ding kiumlo hing. Taih inn i lam laitak bukno sungah om pen nuam lel hi. 'They begin with the end in mind.' I makhup ding lungtup-a koih in kalsuan ding hi hang. 'Leaders are architech.' Makai i cihte pen inn lamte bang hi. A lam ding uh inn pen Blueprint tawh lungsim mit tawh mukhol thei uhi.

Kum 15 ka phak akipan leitung kimvel ding cih genpi-a ka gen hi. Ka gei-aten zadah mahmah khin liang uhi. 'They see beyond what the average person sees.' Agualzote i cihte in mite muh sang agamlazaw mu uhi. Tulaitak haksa kasat hang nikhat ni ciang tua... ding pa hing cia i nuntak ding kisam hi.

aSee the big picture. The best is yet to come.' Agolzaw-a muh/et theih ding kisam hi. Haksatna bangzahta i thuak hang ei ading na ahoihpenpente hong pai ding om lai hi cih i lungmuan ding kisam hi.

Abeisa kum 4 laiin, huhna hong kingen, annsai khat zuak kipan ding, teng 2 kisam ci hi. Ken tua teh ansai kipan ding naihle Zangkong khua sunga an limpen kizuakna sai piangsak ning nacih leh tua azian teng 2 hong pia ding, khantawn-a lam geiah anzuak sawm na hileh ong pialo ding hing ka ci hi.

US tun zawh kha 6 sungin Pawlpi khat ah associate pastor ding ong kisam hi. Thangahtaka thu ka hillhilh leh, ka man ciang bang ahia na cih nop ci in hong kidong mawk, nuam hiau kei ei. Mangkangte khat in 'You speak good English', ong ci leh apatna lamah kinuam napi'n sawtsawtthe tua bang ong cih uhciang asiam ngeilo dinga ong na sehosa nai vevua maw cih kul hi.

Na pianna khua neu muh ken, cin Pasion in ong hopih. Angtang zaw in Hong ci hi. Celebrate your uniqueness. Tua akipan kilamdang hi ngiat ding cihna hi.

Mihing ngeina le pianzia kanna Anthropology Field ah ngeina tawh kisai dawl 3 om hi. Leitung mihing khempeuh universal humanness ah kibang i himanin i kituamna vun bek akilamdang ahi hi. Tuakhit bel pi muhluatna nei nawnlo hing. 'Perspective is everything.' No avom milmela nong muh uhang ong bawl Pa in no sang ahoihzawa hong mu ding hi, ka cih leh Mangkangte thukim lua uha ahimanin khutbeng ziahziah uhi. Kei suakta kaihcianga ong mute zong suakta uh.

4. They stay focused: The set and keep priorities

Agim le aseph khat mitsuan cinten uhi: Amasa le anununng ding khentel in nasem uhi.

Uuk ahauluate gamla tunglo. Focus pen thupi mahmah hi. Olympic champion i cihte pen sun tawh, zan tawh tua lian mah sem uha, tua mah pen haipih zo uhi. Billy Graham zong Pasion nasem lakah agualzo, lawhcingpen hi. Gupna thu bekbeka Jesu in bang gen cih bekbek gen hi.

5. They have determination & Perserverance

Lungkipna le cihtakna nei uhi.

Utbuang utlobuang, khentatna neisianglo indecisive mi in gamla tung hetlo hi. Na khempeuh hih ading zian ning ei a ci, risk taker,-te bek mah masuak zo uhi. Nungakpi pawlkhat, ahoihzaw khat ong paikha leh ci-a, risk la ngamlo uh ahimanin ahicipi suak uhi. Leitung kimvela ka zinzin phial hangin ka khuak hoihlo hi. Mi minthang 7 lakah kihel ding ci in ka neulai in ka gen ngei hi. Stageshow uuk lua mahmah ka himanin sum leitawi lianga stageshow va en zen hing. Tan 10 zong 3 vei ka phi khitciang ong zo pan hing. Lungkia theilopa hing. Kumkik ah phi ding, ka on mateng phi ding a ci hing.

Pilna taktak lecture tawh kingahlo hi. Sangnaupangte tawh ki challenge kul. Not spoonfeed. Sikkeu tawh kitulh hun hi nawnlo hi. Cihtakna le lungduaina kisam hi. 'The winner never quits, the quitter never wins.' cih paunak a om bangin agualzote cikmahin lungkia-a pusuaklo-a, lungkia-a a pusuakte cikmah hunin gualzo ngeilo uhi. Champion nakguhngkek kitan lianga training omlo-a champion kisuaklo hi.

6. *They are willing to pay the price*
Amau in a ngimna khat adingin a neih uh piakhia ngam uhi.
7. *They keep a learning and teachable attitude*
Mi thuhilhna a sang thei dingin lungsimpuak nei uhi

Akhangto gamte ah naupangno khat gen nangawn note la-a ciamteh tangtang uh. 'Learn to think on paper.' Idea neu khat pan na lianpi ong piang thei ahimanin i ngaihsutna idea-te lai mahtawh khum, ciamteh ciatciat ding kisam hi. Tua hi leh i kikap ciang kien theikik dinga lem mahmah hi.

Ei mite i zawinna pen sumlepai zawinna hilo in ngaihsutna(idea) zawinna hi. Leitung ong kipia zonga bangmah suahlo ding hihang. Tuaban ah kiniamkhiatna le hilh theih sawn ding lungsim neihna kisam lai hi. Tua ban ah supna le guallehna athuaksiamte in gualzawhna thupha ngah ham tang uhi. Tapidaw upna sungah om in Topa Zeisu honpa gumpa a i san pen a tom in ci leng hell sung tung nuamlo ih cianga vangam i tun nop hang hi.

Q&A

Ei Zomite pen thu dot nop khat nangawn khialkha leng cin'n dong ngamlote hi mawk hangin nong dot nop uh le na tellohte uh laidal tawh hong dong un.

Dotna: Banghang in na tate in Zopau theilo hiam.
Dawna: Nang ong hilhpihlo hiven cin.

Dotna: Obama in banghang in US President ngah hiam.
Dawna: Alangpang pa(John MacCain) sang in qualified lua mahmah ahihna tawh telloh theiloh khat in om ahiman le alangpangpa nang lua mahmah aih cianga a mah a kitel hong suak hi. Kei bang bel republican lam ka metang ka piak hi ven. Thu le la khempeuh ah insider le outsider om thei hi. 'We need one another.' Thu khempeuh ah a man den pen cih bangin bangmah kimu thei nawnlo. Nidang in weakness i cihte tun strength kicita. Tu in muslim gam tampi ah makaite pen numei hong hita. Hongkong ah manager, director 40% bang pen numei makaih hi. Nidang lai a mite ngaihsutna doctrine-te tuin man khin zo nawnlota hi. Nidang in manlo akicite zong tuin aman leh zong zuih ding cih kingaihsunta hi. Tun 'if you can fulfil my need' kicita-in ei i hat leh i nung ong kizui ding hi ziau.

Dotna: Zomite kipumkhat theih nanging Siamsinte in bang lam pan panmun la thei ding.
Dawna: Siamsin teng ong kipumkhat photphot leuhcin aive .

Dotna: Pilna lamah i khauhpa nadingin bang in effective pen diam.
Dawna: Pilna tuamtuam kisam hang ei. Siavuan vive hileng senpilo ding.

Dotna: Nasepnate ah i lawhcing theihlohna pen kihazatnate hang hiam.
Zomite dinmun tuzawh kum 30 ciang koi ciang tungin na mu hiam.
Dawna: Tuzawh kum 30 ciangin Zogam pen Zogam ci'n i sam lai diam cih ka lungsim ah ummawh pong ing. Tuni-a i khantohnate pen i manthanna ding hi zaw hiam. Nak ngaihsut huai mahmah sa ing. Gamdang tunga i nuamna zah in kei ka lunghihmawh den. Tangtawnga Zomiten i neih i mindset khel keileng hoih sa ing. It must start from you and me. Na Zomi pih khat na gensiat leh nang le nang i kigensia suak zaw hiteh cih

phawk den in. Mi gensiasiate hoihlo. Ahoihloh na 75% pen agensiapa aa hi-a, 25% pen gensiat athuak pa aa hi gige hi. Tua pa bel pil sam naven ahihhang..., 'tua ahihang' i cih pen phiat theileng hoih sa ing. Zomite i kipumkhat nading bang kisam cih dong thei, kan theita i hih ciangin khantoh nading lam amanawh hita hang ei.

Dotna: Zomite refugee i delhdelh na awi hiam. R khat i pilna bang ciang tung thei hiam. Mailam ading hoih na sa hiam.

Dawanna: Gamdang pai pen mimal khat ading hoih hi. Aihang in gam le minam ading in gen haksa ing. R tawh zong a omna kumpi-te tungah scholarship kisiau thei hi.

Dotna: Ngimna tawh kituak in bangci banga kal suan den ding, masuan ding i hiam. Lampi khat ah kiptakin i kalsuan laitakin tuasang ahoihzaw om leh koi cih ding cih ngaihsut ong pia in.

Dawanna: I maizum theih pen akiphasak hihang. Nuntakna pen one-way hi ei. Luyichon apaipaite buaih ngahlo zong om lua hi. Siavuan khuak nei napin lungduaina neilo omhi. Kei bang pen ka pa in tan X ah B tawh ong ding in Luangel le Saipimual ah ohsuh clerk sem ding cih pen a ma ngimna hi. Kei bel tua ciang utlo in ka mailam ding ngimnate a sang theithei ut-in tu-a ciang a tung hing. I nuntakna sungah junction tampi om hi. Most people settle less than what they can be. Ei mite pen khuak hoih tam lua mahmah napi nulepate in nektawm ding lunghihmawh den aihcianga lai sin beh zolo. I hihding zah kitung nawnlo pah. The most energy is spent breaking free from inertia (530,000 gallons burns off in 2:20). I khantoh nopleh zulhtat cih kingahlo. Cihakna le hanciamna kisam hi.

Dotna: Agualzote lawhcing hiam. Aminthangte le agualzote hong khensak in.

Dawanna: Lungdam. We can't compare apple with orange. Naupangno khat in tawi 3 domzo, Sia Haupu in zong tawi 3 domzo hi, aihang kiteh theilo hi. Mittehna, sitehna, cisa tehna le teh ding tuamtuanthei tehdan kibanglo hi. Nupi hoih le pasal hoih tehdan kibanglo. Ei talent 100% i laptoh theihna dingin lawhcinna tampi kisam hi. Mi ading ahoihna khat pen ei ading hoih khinlo thei.

Dotna: Kawlgam le gamdang degree koici kilamdang hiam.

Dawanna: Agam tawh kisai kei. Ahua taka degree a ngah sam hangin akizang theilo degree tampi mah om. PhD dissertation, sia 2 le 3 in PhD level ei acihte uh mahin PhD ngah taktak pan. Hua takah zong aginalo tampi om veve hi. Pilna sinna ah koikoi ah i sin zongin temtat-a khuak kiat mah kul hi.

Dotna: Mi nasem dingin mi gam a va pai uh pen ei gam sungah sep theih ding omlo hiam.

Dawanna: Gamdang paite mah in gam ong ciahkikin nasem leh hoih zaw hi.

Dotna: Mittaw le mittaw lam kihilh bangta hangin, athei asiam teng in gamdang ong paisan uh bang ci na sa hiam.

Dawanna: Gam dang om thei ding napi ong ciahkik zong kiom sam.

Dotna: US Zomi Innkuan in mit-a muh theih lian dingin Zogam le Zomi ading bang sepna le gelna nei na hi uh hiam.

Dawanna: ZIUS mintawh US-a Zomi khangthakte Zolai sim theih nadingin Zomi lom omnate ah sinsak ding vaihawm sawm ung. Leitung gam 11 ah

Zomi Innkuan omta hi. Koikoi ah i om zongin sisan kizomte, unau khat mah hi hang. Minam i hihna khatpen eiut thu-a lak/paih theih hilo. Eimite pen nopna, dahmate ah vaihawmkhawmte hihang. Zomi khat le khat i kigensiat ciang ken zatheilo hing ei. Ei khantoh nading lunggulhnate pen Falam, Khalkhate demna zong hilo.

- Dotna: Gamdang ah pilna sin theihna ding ong gen in.
Dawnna: Scholarship kisam, ahaksa ding tawh kibangin ahihang scholarship apia nuam-a khuadakdak mitam lua. Ngakngak ding hilo. Guahzu dinga thu i nget leh kawllukhu tawh kuan pah ding. Proactive kul. **Eimi nungak khat** bang highschool aman ciang scholarship azon leh, pharmist degree sin dingin internet pan ei minority Asia numei ngiatte ngah ding scholarshipte asiauleh ngah. Sang kah kum bei ciang bang a sumval lai.
- Dotna: US ah same marriage koici ciang om hiam.
Dawnna: Ut uh.
- Dotna: US ah biakna tuamtumte koici dan hiam.
Dawnna: Pawlpi khat le khat kipawlkhawmin nasem thei uh. Pawl kideidanna tawm mahmah. Penticostal paidan sanhak kasak om. Anungtolh ong kisa lai.
- Dotna: Kawlgam ah pawlkhat in Tedim Association kici uh in Gamdang-a omte lah Zomi Innkuan kici uh, Kawlgam-a teng Tedim kici se ding maw.
Dawnna: Eimite ki-extreme lua, UN khawng ah Chin hikei ung va ci. Gam a kawksak leh Chin State mah kawc uhin gam neilote hi uhteh ong ci lel uh. Tua kikaln Falam, Khalkhaten Chin mintawh metna 100% luah khin zota. Ei pen min vai-a i extreme dan pen hun khat lai in Zangkong Zomi Namni Pawi ah TSKhai bang Tg le Salai vai in kithat dektakin **yufie** tak aive (hualai-a tu pen hi ei). Lawmte tawh i kiho ciangin no aa Salai i zat leh ko aa Lia zang ni cih danin, akikal ah lampi khat om thei leh. Zomi lah ong kisansaklo ding aiteh. US ah Kuki Forum GS pa tawh kakihona khat ah Kuki bangzah om na hi uh hiam ci'n ka dot leh Zomi-Chin akici teng zong amau Kuki-a ana tuattuut na hi. Minam min sangin athukzaw issue lianpate amin mateng in kibuai den ding, mitawh i kitawt sang ei le ei kisittel masa laini.
- Dotna: Zomi, Zopau, Zolai mah ci thei tek leng bang ci nasa hiam.
Dawnna: Kawlgam ah tu a bang dan tawh Zomi min pen recognize kingah theilo himhim. Tedimmi, Sihzangmi, Khuanomi, Teizangmi cih om den lai maw. Huam I kisak mahmah hang ong huamlo hi aci tampi kiom. Kiniamkhiat ding kithukhual ding hi mai. Tedim Sangpi Jubilee lai a kigel Zo Inn khat lam ding vai kigeel, a piang zo nailote pawl... Tun zong Cope Centennial vai ding tawh kisai-in Tedim a CMBC-te kiang no bek in hong vaihawmin nong huam zawh kei uleh picing zolo ding hi ci'n zan deuh a kana gen hi. Kei bel tuadana akisamte gen sestet.
- Sia Tuanno: TA (Tedim Association) le Zomi Association cih zong hi in, nungdeuhin Kawlpi-ate'n Tedim Association phuan nuam ci'n Yangon-ate'n bangci na sa uhiam ci'n ong dong uh. Kei zong Colnelpa ka kuppil leh 'Tedim Kipawlina - Kawlpi' na ci le uh hilo diam ci hi. Akisam laidal teng copy in kem ing. Kawlpi ah pawlkhat in Tedim/Zo Kipawlina cih om ngeingai leng asia apha bel na cih takun ong om thei

gawm ziau, Matupi 1, Asho Chin 1, Paletwa 1, ci'n tua cih ziau lel. Tua banga i hih cianga ol aive. 1998 akipan kitottot zong ong om nawnlo aive. Tuama-a bel akilailai den. Akibuailua. Tua hinah na i hih ciang inah , **Ofusrl** hih ciangin zong Tedim/Tonzang paninah lam na deih penpen uh tu kum lam un. Mai kum ciangin zong na deih penpen uh lam un, cih dan ong hi ta. Khat vei lah Thahdo lam lam zel, khat vei lah Zo lam lam zel, khat vei leh Sihzang lam lam zel, cih bang khat peupeuh phamawh zenzenlo. Amah khata kigawm ngiat. Tua hileh nuam aive. Tua takcianga i min ding pen, Chin le Zo le adang bang hiamkhat kituh ding hi zenzenlo. Cikmahcianga bei ngeilo ding. Tua pen aman na dinga kei zong tawmcik khat ngaihsun ing, 'Aw, Zomi tangthu, at dih ni ei'. I min banghiam, i pu min bang hiam, koi pan piangkha i hiam, cik hun in Kawlgam tung i hiam, Kawlgam pan in Zogam banghun in tung i hiam, i tunna myone tekah minam lian bangzah om ihi hiam cih pen i , **Ofusrl** bang ahihiam mata guai, mailam adingin bang ngaihsutna i nei ding i hiam, ci in tuatengpen ngaihsuthuai hi. Nidanga Kawlgam ah mi om masa pen **ys?urf, t?uf** kici in, ei Zomi pen Mongolia pan ong paite sungpan ouf minamte i ve, ci-a kiciamtehin ahihang Mindatte'n **yl** hizaw ve ni aw. Banghang ci. Ko ka min phuahdan uh Pyute min phuahdan hi veh ci. Pyute'n min aphuah uhcianga **ysapmxD xDif, Of , Ofi fklf ykfoalunif** cihbanga amau a pa uh tap suk deudeu aive. Aw tua zong khat hi bilbel aive. Tualeh ei Zomi sungah en mintap nei-in, i lawm dangte'n mintap nei hialo aive maw. A utut vua phuak uh aive. Tua aihtakcianga ei-a pen namtuampi khat ong suak in, ei-a ei , **Ofusrl** khat hong hi. Tua hinah i veka i kigawm noptakcianga i min ding pen Zo tawh, Cho tawh, Sho tawh pen aw khat hi'n teh, abul hi'n teh ci'n **Dr Limbert** in khatzaw sangsang hinteh ci hi. U Thein Phe Myint inah Amau Chin cia i lawh ciang ong nial tantanloh hangun amau le amau Mizo, aihkeh, Zomi kici ve uh aw, ci'n a laibu sungah na at leuleu hi. Tua hi'n tua khawng teng mi tawh kituh kituh inah tutakcianga Dr Vum Khua Hau ii idea khat ah ka zakkhak khat omin Dr Vum Khua Hau in bangbang hileh Zo-Chin, sungpan i vekin Chin ci zaw mai inah Zo-Chin, Lai-Chin, Cho-Chin ci zaw mai leng bang haksa hiam a cih pen diksa ing. Col Khen Za Moong in zong ama stand point tua nahi lel hi. Aman bangbang hileh ei Zo tawh min i deih hanginah ei teng mah kici hi hangin ei le ei bel Zo kici lel ni, phamawh kei. I lawmte'n lah ong sang ngei kei in cin ahizonginah i Zomi bup khempeuh, Chin khempeuh pen Zo ci theilo ding i takciang ei le ei bel Zo kici lel ni, phamawh kei, aizongin i at takcing, Zo-Chin, Lai-Chin, Cho-Chin kici lel ni. Tua pen hileh amau adinga lah nalo, ei adinga lah nalo hi. Tua khat hi.

Salai le Mai: Salai le Mai i cih pen i kipawl theih nading a ngaihsutsut ciang vua ei sangnaupangte mah in ah cp, apian tung lam khawng hi in cin Thawng Luai Mang tepawl, Ram Leng Mung tepawl inah i vek in ah Salai le Mai cileng aive ci uh aive. En ei Tedim lam pen lia le taang ana kici khin linlian hi'n ah amau aneilua lawmlawmlo Pule khawng Val khawng, kici uh. Amau aneihloh cianga Salai/Mai pen lak nop ziau aive. Aihang ei adinga i , **Ofusrl** pen **qif** khat akineikhinta aihcianga amau-a va zuih ding haksa khata om aive. Tuatakcianga, lia le taang i cih takcianga lia i cih takcianginah nungak, taang i cih takcianginah tangval ci-a ngaihsun ive. Ataktaka cileng lia i cih numei khempeuh aive, tg i cih pasal khempeuh aive. Bang hanghiam cih leh i la khat ah

bangci haim cih leh, 'Taang hi leng, ko liang ' ci in pasal ten taang acihciang pasal acihna zong aive. Pasalte'n ah i liangko ah thau kitawi ciata sa mandingin mualsuahding, 'sangsa mualsuah ding taang kilawm,' acih pasalte kilawm hi acihna aive. 'Sangsa mualsuah le Taang kilawmlo,...,' ci ziau mawk aihtakcianga, lia acih ciangah nupi zong hithei aive, nungak zong hi thei aive, numeino zong hithei aive.

Tedim sang kahloten huhna pia nuamlo ding. Sang Jubilee pai dan zong khial. O ka mapu, salaung ka pu cih dana Ygn lamten na buplaklua, Tedim ate sep ding pen. 98 – Jubilee lai, Zomi pen 7 a khen ziau, kithutuak mahmah. Zo le Chin aman nading. Thet minam hizaw ni. Pyu hizaw ni cin Mindatten ci, Pyute min phuah dan suak. Dr Lehman Zo, Cho, Sho hi. Dr Vom Khaw Hau idea, Zo-chin, Lai-chin kici lel leng, salai le mai, Thawng Luai Mang, tepawlin salai le mai kici leng cin, ei tg le lia kithuah khin linlen ten sanhak. Lia = numei khempeuh, tg = pasal khempeuh. La ah na om. I lawmta zong va nial luat ding zong hikei. Kalia pen numei hoih aihteh lia zang ni cileng zong amau sang thei kha thei. Kipawl theih nading hi leh piak le lak om ding.

Lia le taang i cih ciang nungak le tangval bek hisamlo hi. Aihzongin i lawh ciang bangbang hileh, a nungak lai, a tangval lai zawdeuh ciangciang lia le taang ci-inah a papi zawdeuh teng nu le pa ci-inah a upa zawdeuh teng pi le pu ci ni cihtawh a kinei hi, ei ading. Tua pen en zang leng phamawh kei, ei ading inah. Aizongin i lawmte a pen va nial, va kinloh ding zong hi kei. Denna i cih mah bangin bang hanghiam cih leh salai i cih amau zangh uh aileh en zong salai khat veivei lawmte tawh kikholhnain en zong va zatpih leng zong hi thei. I cih takin ei-a ah lia i cih ciang numei zong hi thei, paal i cih ciang zong numeite cihna aive. Hi'n, hoihna khat a neihna zong om in teh, cih khawng va gen leng zong amau ong san theih na ciang khat om in teh. banghanghiam cih leh denna i la pen lia le taang-in sa kei inah, salai le mai-in sa ni cileng 'salai-te.....' cileng anoplohna ciang khat om, hilo hia. 'sangsa mualsuah le salai kilawm aw, tua mual ham lam pha va dawn dinga tuklu pai le mai kilawm ve,' (kinui ziahziah). Hong haksa peuhmah aive, simkhata maw. Tua hi'n, aizongin ah bangbang hi leh kipawl theih thupizaw aitakciang tuaci bang dan inah, ahihna, ahilh theihlohna teng va gengen leng amau zong hong tel dingin khat le khat kitawng zenzenlo dingin ahoihdan maw i la sung khawng a om dan va gengen leng, amau zong hong tel thei dinginah atawpna cianga en zong amau-a zong i lakphialna zong om veve ding. I lak phial kei-a zong, na pen piakloha aki hih theilo aihtakcianga a hun khat cianga na pen ei-a pen en zangh lel le hang bangci hiam cih zong khangnote'n hong ngaihsun unla zing khawng ciang kipawl theih nang teitei inah tua zong hong vaihawm un ci'n no kiangah zong hong vaikhak nuam ing. Ka lungdam.

Sia Do Kham: Dr Gin Khan Khual tawh ka kiciamnuihna khat vuah, 'U Khual, no England lamate pawl bel tangthu leh kankan inah inn lui bekbek, England pai leng na khempeuh lui cihtaka lui inah, a khek zo ding hi napiin kheklo. Alui teng mah tanphotha inah kemkem maw. American pen na khempeuh alui teng laih inah athak ngena koih inah mordenized nasia mahmahin England le American pen akitehthei vetlo hi'n no England-te khawng tangthu gen siamin tangthu bek lehet den keei in, ko American-te bel mailam ensa-a paiin, no England-te

bel nungatsa-a pai hi uteh ci'n ah a thuhoih khempeuh lah lettweh-a kizangkhin theilo khat (irrealistic practices). Tun tuate khawng American-a i lawmte'n a buaipih nawnlo aive. Tun mun khempeuh ah Lai in ci nawnlo-khin, amau tun, na khempeuh lawmte'n Chin min tawh buplak aive. Ei tun abeisa kum 20 laia i kitotna teng tun aphisian pansan hi bek inah lawmte'n tuate buai dinga tuat vet nawnlo uhi. Tua aive, ka lunghimawhna pen. Lawmte'n buai ding tuat nawnlo, lia le taang/ salai le mai pen thu hi nawnlo. Bang inah ko Laimi teng phattuumna hong pia ding cih bangdan le leitung bup i atihamhat pyuh sain kiguang thei ding ka hi uhiam, Laimi zong ci nawnlo-in Chin hi ung ei, a kicuh uh cianga tun mi khempeuh Lai ci nawnlo-in Chin kici ziauta uh. Laibu sungte en leng, Chin tawh kisai teng amau Chin a hita. Zomi cih nak leh kua hiam cih pen shinpya denkei kulin i shinpya hanglah enleng mu nawnlo mawk uh aive. Akoi akoi-a kumpi tuamtumte'n. Hi in, post-modernism pen lawmte'n lettweh a zangh lian uhi. Ko minam bang in akyu (meetna) 100 ah 100 ngah thei nading a om nak leh ko a min khawng buai pih nawn kei ung, aci phial uhi. Tua ngah nading pipe-line pen Chin cihna hi'n lawmte'n pumletin Lai hing kici nawnlo. We are Chin hita. Amau bel no na ut peuh kici lel un hong ci ding hita aive. Hi'n, tua tak ah, **u&fwmfv&blw&ks apni f&w&f&xmu awmlausfohlyDemu&xm vmrvm q&lmajmvd& r&b/** cih pen kei muhna lian hi. Hi'n, a lettwe pen inah, practically inah, bang kizangh thei hi-a tua in ei minam bup phattuumna ong pia thei ding hiam ci-in lawmte'n tua lian na manta uh aive. Tangthu pen thupi tei napi'n tua zaha pom ding hilo. Obama kitelna banglian hi. Abeisa kum 10 laiin America ah ni khat ni ciangin mivom khat in president a ngah ding hi, ci leng a kaangte'n ka ngawng hong tan zaw in ci'n, piang ngei ken teh a ci ding uhi. Tun hong piangta aive. Leitung kipeizia khat pen lawmte'n na pom thei uin, ei tu'n ei sung mahmah ah zong pen Tedim kici ding maw, Zo kici ding cih, kiphisian zo nailo, hi panpan lai himaww aihteh ki-naukkya lua, gen zawh hi kei. Ngaihsunkha leng kei bang ka lung a nuam hetlo hi'nah tua munte ah kei bang bangmah ka hihloh hang tua dan kikapna ah ngaihsunna a khawm nuam mahmah kai ve. Hi'n, tua ciang gen phot ni. Thu dotna 1 le 2 om lai kha in cin, tua khitciang khawl bawl ni.

- Dotna: Na gualzawhna i tawhtang.
Dawna: Pasion muang, lametna tawh nungta. Lametna tawh nuntak pen thupi ngiat hi ei. Tu-a ka dinmun pen lansonne (end) hi nailo hi. Gualzawhna in kei hong ngak hi. Upa semsem ding, pil semsem ding, himaww aive, kei-a pen. Tek kuantu ci'n kei arnge sawm dekho. A Zo, a Kawl-te, Kachin, Kayin-te, Mang-te khawngin idea ngena hong pai ding hi, hi lai aive, kei kiang pan. Lametna tawh nuntakna pen kikhango suah den hi ei. I lungsim khat alawpsa-a kiom den hi.
- Dotna: Sia aw, hih seminar laidal ateng tha ngah lua ing. Tua hia hih paper teng bek tawh lungkim zo kei ingin, nong hihcianna teng tawh a lai-in gelhsa-in, a bu hiam, a daldalin hiam kingah theih leh cih hong ngen ing.
Dawna: Tua hong ngen kua aita. 1,000 pia ning ei. Hong pai o lawm (khut kibeng ziahziah)..... Tuni-a meh zong limkhollo hi napinah thangah taka na tut uh, tha ngahkik peuhmah ing. Budget geel tam mawhlo hi napi'n sum ngah ciang deihzah hi kei inah adang lamte bel ka bei teei hang bangbang aizongin an bangzah vei ne lai ding nai vua. Neek 9 ne

lai ding ci vo. Aki cing kei phial zong inah adang ah zanglo in annekna bek dingin teng 3 tawh hong pawin ning ei. (khut kibeng ziahziah)...Gam bup khawmpi hibuang aihteh amuinam zawdeuh na ne vo. Asa gim mahmah nam zolo aihteh kong piak nop bek hi'n a nei hi keng. Kong itna, kong deihsakna hi, khangnote tungah. Kei zingciang vanleng tawh Zangkong lengsuk ningin Nipi khitciang America na ciahkik ding hing. Hibang hun pha i ngah theih lungdamhuai ei. Question om lai maw. Den ciang group man kizaih ni aw. US a ong zuak ding kaive. Zomi siamsin mipil hizahtak omin US a te'n bangciang panpih thei ding i hi hiam ci'n a dong nuam kaive. America-te kiang abangci liakluak i hi hiam ci-a a dong nuam kaive. Ko Tulsa ah pawl nengneng 5 omin akigawm ZCF ci'n kei president kave. I mite na chellange den kaive. America-a na sum ngah uh na hawmthawh uh Kawlgam na om lai un, bangzah sang na hi uhiam ci'n dong leng nui ngeingai lel sam uh aive. I gam ah haksatna om ciang ma pang khawma ding ding cih pen maizumlo taka atawsawn den kaive. Hi'n ah, no zong muantak dinga nong om ding uh kizam. Nung kum lam khata zong Zangkonga lawmte tawh Zogam hoihna teng DVD in zaihin lasiamte lasak tawh thuahkhawma bawl ding cih khat ka vaihawm uh piang zo nailo mawkin tutung kong zin ciang, lawmte hong pai uhin Dr khat in hong khem samlo dingin hong um ung, ci mawkun ken lah ken bel no teng lawng khata nong din masak ding uh kizam masa ding hi, ci'n ka dawn hiven. Tua banga project-pi sem dingin hong muang nailo hing ci'n kilawmta dawnkik ngiat hing. Hi'n ah, hong citak mahmah unla, hong kipawl siam unla, hong kiit unla, nasepnate hong tangzaisak leuhcin tuateh akisapnate hong zasak leuhcin no tangin ah gam danga omte kiangah i gam taktak minampihthe ading inah phattuam nading nong vaihawm zawh uha na picin uleh ngah pah ning ci ngam keng, aizonginah hih ciang lawmlawm gam bup kipawlna tawh seminar kinei-in muinam palo cih pen bel hi thei sa keng. Hong gengen leng hong kapkha phial ning inah, hong vei lua peuhmah ing. Kei bel hihciang ka tunna pen hampha kisa lua hi mai. Bangmah theilo, bangmah neilo, naupangno cidam hetlo khat pen Topa'n thupha hong pia inah tun leitung bup ah ka kiphatna hi kei, ka gen hang zong tel kei nuteh. Topa hong ompih dan azai dan ka gen hang tel kei nuteh. Hong uppih kei nuteh. Kei deihna pen tua khangthakte i Zogam a puah thei takpите tungah ka minam adingin ka invest nop pen hi. Mipi tung va pia ding inah teng 1,000 ka pia zongin zing ciang antang hai 3 tek hawmto leng zong cinglo lai ding aive. Aizong, hih lunesu i gam a puah thei ding mite tungah hua takah teng 1,000 ka bei sang hih siamsinte tungah teng 100 pia leng tua in pen i gam in a gah ne thei baih zaw ding cih ka upna om ngait hi. Strategic thinking, nibyuha kyakya taka ngaihsut theihna bang tan nasep hanciam na hiam cih sanginah bangciang effective takin sem na hiam cih pen thupizaw hi. Gen ni cileng, mi 2 sing phuk ding kisawlin singat pen a 2 a hiamlo, mawl mahmah hi. Khat pa inah, a mawlpi-a sing tan sawmin, sawtpi mah at, nai 2 sung bang a sep teh a kim khawng tungpan. A khat pa in bel hih piang mahmah kei, a singat taat phot ni ci'nah minit 15 sung taat ngekngekin hiamsak phot inah tua khit takeciang minit 15 sung a zat leh singkung tan thei ziau hi. Hanciam ponga semlo ding inah strategic taka, ni byuha kya taka thihyauh theihna aive i lunggulh ding. Khat veivei nai 5 khawng laisimin mal khat zong ciamteh theilo i ve maw. I lungsim ah hia nu, hia pa khawng om thei aive maw. Na ci uhna. Aihang, khat veivei minit 10 khawng, nai lang khawng simin i sim khempeuh

ciamteh thei i ve. It's not how hard you work, but how smart you work. Tuni bel i hun hawmthawh hanginah tukhawmin holim nuam mahmah lai hang. Ken hong vei ngiat ing ei, siamsin. Hong vei ngait ing. Vei cih takin hong vei ing. Ni dang ciang tuabang kik ciangin zong hong vaihawm zel unla, kum simin kha 3 peuhmah kyuten-in program hong suai unla, hong theisak unla, hua lama om buaih ngahsa university tungkhin peuhmah ken leibasiika siik sawm hing ei. Zomi Innkuan president kum 2 ka sep hi'nah tun ka term a bei ding hita. Ka sem suaka ka khawl zongin Zomi adingin bel ka omomna ah mapang den ding hing. I minam ading nasepna ah pya khat zong khiap sawmlo hing ei. Tua dinmun ka om mana Zomi makai a suak kaive. Tualo in zong a vei ngiat. Pasion umin nungta leng Hong lamsang ding hi. Nainganzi peuhmah tawh koimah tunglo ding hi hang. Tuni ciang Zomite hihciang Hong tunpih Topa deihna tawh kalsuan leng tun aziakai i bat hang mi ban veve ding hi hang. Picinna lamah azungkhoha i kalsuan ding no le no hong kineumuh peuhmah kei unla, hanciam khawm ni cih hong vaikhak nuam ing. I pilna i siamnate nial theihloh ciangin kician leh mi lakah mun kingah veve hi.

- Dotna: Zomite mipil zong kitamta ahimanin Zogam in Self-determination ngah ding kilawm na sata hiam.
- Dawnna: Kua ee, mipil. Mipil bangzah pha nai i hia. Ready nai kei lua hang. Kumpi langpang ding hilo hihang.